

# Кузь нэм да бур шуд!

## Эжа йывлөн слава

### Александра Николаевна Тарабукина

Чужис 1929 вося апрель 29 лунö Кужйын. Бергöдiс быдсяма удж колхозын, вöли «Усть-Куломскöй» совхозса Куж отделениеын лыстысьсьöн, кукань видзысьöн, сельполöн подсобнöй овмöсын порсь видзысьöн.

Социалистическöй ордйысьöмын вермысь. Бöрйылисны сиктсöветса депутатöн.

Верöсыскöд быдтiс да велöдiс öкмыс челядьöс.

Бур уджсö пасйисны «За трудовое отличие» медальöн, почёт грамотаясьöн.

Шойччөг вылын, олö Кужйын.



# Дардсö Р

Эжа йывса войтырлөн газет

Петö 1929 восянь

Субöта, 2011 вося май 28 лун

65 (10340)-öд №

Кулöмöс он ловзьöд, йöйöс он велöд

(коми шусьöг)

## ТÖДÖЙ, МЫЙ ВЫЛЫС

### ЮРАЛЫСЬЛÖН АДДЗЫСЬЛÖМГЯС

Районса юралысь Д.А.Шатохин водзö тöд-масьö районса войтырлөн тöждьясьöн да могъясьöн.

Май 24 лунö сийö волiс «Куж», май 25 лунö - «Мыс» овмöдчöминьясьö. Йöзлөн медся ыджыт майшөгъясьыс - уджөн могмöдöм, туйяс дзонь-талöм, вөр лэдзöмын порадок лөсьöдöм, меса-таяс вылын социальнöй учреждениеяслыс материальнöй подув ёнмöдöм.

### ВЕРМЫСЬЯС ЛЫДЫН

«Кулöмдiн» сиктса овмöдчöминлөн администрация петiс вермысьяс лыдö «Пенсия серти быть страхуйтöм кузя вося медбур страхуйтысь» ставроссияса конкурсын.

Россияын татшöм конкурсö нуöдiсны медводдзаясь на. Могыс вöли, медым петкöдлыны да ыджöдлыны взносьяс медбура мынтысьясöс. Коми республикаыс 70 сюрс страхуйтысь пыись медбурөн лыддiсны 16 предприятиеöс да организацияöс. Коми республикаса юралысьöс вежысь А.Буров сетiс налы, тшöтш и Кулöмдiнса администрациялы, дипломгьяс.

### ЛОИСНЫ КОЙМÖДÖН

«Комизнерго» котыр нуöдiс Ухтаын сетьяс дзоньталысьяс пöвстын удж кузя сямлунлысь конкурс.

Мастер Михаил Сенькинлөн веськöдлöм улын районса электрической сетьясыс 4 морта котыр босьтiс коймöд места. Ачыс Михаил Сенькин лоис медбур мастерөн. «Медся том вермасысь» конкурсын вермис 22 арöса Максим Попов, «Медся опытной вермасысь» конкурсын - 52 арöса Иван Тарабукин.

### ВЕЛÖДЧИСНЫ ВЕСЬКÖДЛЫНЫ

Май 20-22 лунгьясь «Пожöма яг» турбазыин вöли «Командирлөн школа» республикаса семинар.

Волiс республикаса кар-районгьясыс студентьяслөн котыргьясьöн 45 веськöдлысь. Найöс велöдiсны, кыдзи котыртны том йöзöс да уджавны накöд. Велöдчöмысь кындзи том йöз ветлiсны Ульянаса манастырö, нуöдiсны конкурсьяс да ворöмгьяс, рыгыаснас бипур дорын чöсмасисны юквобн да пашлыкөн. Томгьяс дорö волiс районса юралысь Д.А.Шатохин, сьылiсны да гажöдчисны öтув.

Томгьяслөн котыргьяс регыд мунасны уджавны Россия пасьта. Кулöмдiнысь кызь сайö морт уджалас Ямалын.

### БАРА АНЫБЫН

Талун Кулöмдiнысь, Носимысь, Дереваннöйысь да Ручысь вöвлöм пограничникгьяс сизимöдысь пасьясны асьыныс праздник Ичöт Аныбын.

Нуас да ваяс, кыдзи и пыр, машинаөн ас вылö уджалысь И.В.Ракин. Иван Васильевич ачыс видзiс граница. «Рассвет» крестьянскöй овмöсөн веськöдлысь Л.Н.Вологжанина пуас рок да пузьöдас ыджыд самöвар. Гажöдчасны сёр рытöдз: казтыласны армияын служитöм, сьыласны, вермасысны.

Асланым да общ. корреспондентгьяс.



Кулöмдiнса шöр школа таво помалас 45 велöдчысь. Май 25 лунö 11-öд класса велöдчысьяслы юргис бöрря звöнок. Найöс чолöмалiсны шöр школыса директор О.В. Пунегова, районса юралысь Д.А.Шатохин, велöдан управлениеса начальник О.А. Холопов, Кулöмдiн сиктса администрацияөн веськöдлысьяслыс могъяс олöмö пöртгысь С.В.Рубан, бать-мам нимсянь А.Н.Кондрашкин да Н.В.Русинова, медводдза велöдысьяс да с.в. Школаса директор медбур велöдчысьяслы,



общественнöй уджын водзмöстчысьяслы, олимпиадаясын да спортын вермысьяслы сетiс грамотаяс да аттöбалана письмöяс.

Районса юралысь аттöбалис О.В.Пунеговаöс том йöзöс воспитайтöмö ыджыд пай пуктöмысь, сиис ныв-зонлы бура сдایتны экзаментьяс, велöдчыны водзö, босьтны специальность да бөр бергöдчыны ас районö. Сийö сетiс 11 «а» классын велöдчысь Марина Тимушевалы юралысьяслыс стипендия.

Гижöд да снимок Николай ЛЮТОЕВЛÖН.

## ЧЕЛЯДЬЛÖН ГОЖÖМ

### ШОЙЧАСНЫ И УДЖАЛАСНЫ

Помасис велöдчан во, пуксисны гожся каникульяс. Бать-мам пыись уналөн абу позянлун мöдöдны челядьнысö саридз дорö. Но шойччыны да ёнмöдчыны позьö и ас чужанинын. Воссясны челядьлы площадкаяс, шойччан да уджалан лагерьяс да бригадаяс, кодгьяс öтувтасны 2450 челядьöс. Сидз, 22 площадка вылын ёнмöдчасны 21 лун. Вердасны и видзасны бать-мам весьтö, судзьытöма олысь семьяяслысь босьтасны этпаджык. Гырысь классьяслы котыртчас шойччан да уджалан 14 лагер, на лыдысь öти Кулöмдiнса Петыр-Павел вичко бердын. Лоö уджалан 23 бригада - 500 сайö ныв-зон. Найö отсасысны школаяслы, сöстöммöдасны сикт-посёлокгьяс. Кыдзи и быд во, нуöдасны медбур

лагер вылö конкурс. Вермысь петкöдчас республикаын.

Велöдчысьяслөн бригадаяс уджаласны администрациясьон веськöдлысьяс да предприятиеяс бердын. Найöс босьтасны уджтöмалысьяслөн шöрин пыр, гождьмбыдөн матö 800 мортöс. Удждонысь кындзи налы вичмас шöринсянь сьöма отсöг.

Котыртчас лагер «Пожöма яг» турбазыин. Нель сменаөн шойччас да ёнмöдчас 120 морт.

Спорт радейтысьяс ветласны походгьясьö, кытшовтасны районса тöдчана месаастi, ёнмöдчасны Санкт-Петербургса лагерын.

Челядьлөн эм позянлун шойччыны да ёнмöдчыны ылi карьясса лагерьясын: Анапаса «Сменаын», Евпаторияса «Смарагдовыйын», Санкт-Петербургса «Волнаын», Кировса «Митиноын», Кабардинкаса «Медвежонокын» да с.в. Ставро торйöдöма 248 путёвка.

Галина НЕСТЕРОВА.





